



Nordbygda helselag

Duesund, 24.11.2022

Masfjorden kommune
Austfjordvegen 2724
5981 Masfjordnes

Vedk. Plan for friluftslivet sine ferdselsårer, 2022-2030

Høyringsuttale frå Nordbygda helselag

Me vil først gi honnør til kommunen for eit godt og grundig arbeid med høyringsutkastet.

Helselaga er som kjent medlemmer av Nasjonalforeningen for folkehelsa, så det seier seg sjølv at folkehelsa står i sentrum for vårt arbeid. Lågterskeltilbod i nærområda er viktige, for dei gjer det enkelt for folk å delta. Det er også viktig at det er turstiar/turvegar som er tilrettelagt for ferdsel med barnevogn og rullestol. Samstundes skal ein ha syn for dei som ynskjer større utfordringar. Alt dette er viktig å ha med i planen.

Her er våre kommentarar til planen.

- Me støttar fullt opp om uttalen frå Pensjonistforbundet Nordbygda.
- Når det gjeld opparbeidde turstiar/turvegar som er tilrettelagt for rullestol og barnevogn, er det viktig at desse kjem med på kartet og i oversynet over turruter. Det er også viktig at dei vert merka med skilt ved startpunkt at dei er universelt utforma.
- Slike universelt utforma turvegar bør finnast lett tilgjengeleg i alle bygdelag. Dette arbeidet bør prioriterast i område der det ikkje finst.
- Det er også viktig opparbeiding av gode parkeringsplassar nær startpunkt for turrutene vert vidareført. Gode døme på det er parkeringsplassen ved gamleskulen på Sleire og på Kvingo (i bukta mellom Nord- og Sør-Kvingo).
- I oversikt over turruter, pkt. 6.1 i rubrikken *skildring*, ynskjer vi at det vert kommentert der turruter kryssar kvarandre, slik at ein kan ta rundturar. Døme på det er ruta Tangedalen-Eikjebotn der ein kan gå vidare rundt eller opp på Melshovden og til Rambjørg.

Lykke til med det vidare planarbeidet og iverksetjing av planen!

For Nordbygda helselag

Liv Dyregrov, leiar